

鳳翔縣志卷之八

事紀

地當形勝列人實據夫要衝險扼洪流漳水亦資夫襟帶趙魏稱隣國強敵啟蠶食之心秦燕構兵端叛臣有瓜分之勢劉黑闥敗當其地燼滅洺州何宏敬進據其城氣吞昭義元末則紅巾倡亂民鮮孑遺明亡則流寇稱尊兵行虜掠

聖明之朝幸遇寬大之

詔頻頻淨掃妖氣覃敷

恩澤山河割據數千載興衰治亂過眼盡付烟雲租稅蠲除

二百年懷保惠鮮沒齒難忘

高厚志事紀

戰國

趙成侯十七年與魏惠王相遇於葛藟

史記

梁惠成王八年伐邯鄲取肥

竹書紀年

前漢

武帝元朔二年封趙敬肅王子劉仁於肥鄉爲侯國

漢書

後漢

光武過邯鄲劉林進見言赤眉可破上問其故對曰河

水從列人北流若決河灌之皆可令爲魚上不然

通鑑

晉

孝武太元九年秦征東府官屬疑叅軍高泰燕之舊臣
有二心泰懼與同郡虞曹從事吳韶逃歸渤海韶曰燕
軍近在肥鄉宜從之泰曰吾以避禍耳去一君事一君
吾不爲也

紀事本末

後燕

孝武八年慕容垂遣田山如鄴密告慕容農等使起兵
相應時日已暮農與慕容楷留宿鄴中慕容紹先出至
蒲池盜丕駿馬數百匹以待農楷甲申晦農楷將數十
騎微服出鄴遂同奔列人九月乙酉朔秦長樂公丕大

會賓客請農不得始覺有變遣人四出求之乃知其在此
列人已起兵矣

晉書

三月燕王垂引烏桓丁零之衆二十餘萬以攻鄴不拔
乃築長圍守之分處老弱於肥鄉築新興城以置輜重
八月鄴中芻糧俱盡削松飼馬燕王垂謂諸將曰苻丕
窮寇必無降理不如退保新興城開丕西歸之路以謝
秦王疇昔之恩丙寅夜解圍趨新興城十月晉劉牢之
拔鄴燕王逆戰而敗遂撤圍退屯新興城乙卯又自新
興城北遁

紀事本末

唐

武德五年秦王世民軍至獲嘉劉黑闥棄相州退保洺

州世民復攻相州進軍肥鄉列營洺水之上以逼之

唐書

洺水人李鉉感據城來降秦王世民遣彭公王君廓將千五百騎赴之入城共守二月劉黑闥引兵還攻洺水

癸亥行至列人秦王世民使秦叔寶邀擊破之

唐書

武德二年竇建德據廣平闢萬春宮置列人營

學宮碑記

會昌三年六月詔以王元逵取邢州何宏敬取洺州宏敬未出師元逵密表宏敬懷兩端李德裕言忠武累戰有功軍聲頗振王宰年力方壯謀畧可稱請遣王宰將忠武全軍經魏博抵磁州以分賊勢宏敬必懼此攻心

伐謀之術也從之宏敬倉皇出師拔肥鄉平恩

資治通鑑

宋

嘉佑五年諫官王素言天下財賦輕重不等請均定而歐陽修亦言秘書丞孫琳常往洺州肥鄉縣與大理寺丞郭諮以干步方田法括定民田擇不均者均之著爲例

文獻通考

金

大定十二年詔有司修河於肥鄉所須物料俱從官給毋擾民明昌四年春正月癸未有司言修漳堰埽計三十八萬餘工詔依蘆溝橋例招被水缺食民充夫官吏

錢米不足則調礪水人戶依上支給

金史河渠書

元

末兵燹繼以紅巾之亂閭里凋殘明初遷山西河南之民以實畿輔又取潞安軍衛以屯田

明

崇禎十七年三月闖賊李自成由山西大同寇北京遣僞宮石傳聲徑自武安到肥任毀印爲契篆用八分其一切文書避海玉光明印受自務忠成等十字不許用置鄉紳於獄比餉銀其僞將軍劉芳亮率賊衆數萬由大名過肥鄉抵廣平四月自成敗傳聲狼狽遁去

國朝

順治十一年甲午遣漢官八員滿官八員發帑金二十四萬兩分賑畿南八府廣平府漢則兵部侍郎魏琯滿則都察院土賴也四月初九日抵肥鄉蒙賑者一千二百餘口每口給銀二兩五錢七十以上者加綿布二疋歡聲動天地

雍正八年遣漢官賑濟肥鄉呂家堡被水等四十八村村蒙賑者二千六百一十口賑濟三個月共給帑銀一千八十五兩二錢一分六厘共給倉穀一千五百一十二石九斗八升四各民沾實惠

嘉慶五年奉

上諭蠲免乾隆六十年以前錢糧

十三年

聖駕巡幸豁免十一年以前錢糧十分之三

丁八年大旱詳請賑恤奉

旨批准十九年春又補賑

二十四年

皇上萬壽豁免積欠銀穀

二十五年奉

上諭豁免二十年前錢糧

咸豐元年奉

上諭豁免道光三十年以前錢糧

七年大蝗詳請賑恤奉

旨批准知縣徐賡臣在河神廟放粥

同治元年奉

上諭豁免咸豐十一年以前錢糧

二年奉

上諭豁免歷年被兵被災緩征錢糧五萬餘兩知縣韓印詳

請

肥鄉縣志卷九

兵紀

齊登舅爵士不讓而爭鳴秦尚首功民不親而樂戰所以春
夏詩書秋冬禮樂儒者不談兵載橐弓矢載戢干戈將軍不
好武然而時平則敦詩說禮世亂則偕作同仇弭兵非所以
爲名有備惟期於無患肥鄉爲畿南一隅之地無險可憑
當山東一面之衝有兵先被狼奔豕突鋒方銳而難當烏合
鴟張火連村而不斷幸賢令算無遺策共濟和衷許難民實
至如歸完守入保開關延敵衝鋒解三匝之圍拔幟先登制
勝排五花之陣驅市人而使戰制梃撻堅甲利兵合衆志以

成城使民可知方有舅修孝弟忠信庠序內竭節全貞嘗險阻艱難帷幄中運籌決策巔末悉載因人成事我非自以爲功勝敗無常移步換形人莫輕於嘗試志兵紀

征剿胡盧營紀略

咸豐十一年二月山東延家營教匪從士欽等倡亂濮州捻匪劉占考應之連陷莘縣冠縣館陶邱縣觀城朝城范縣濮州肥鄉聞警楊樹屏劉光陞設立練局延請紳董採買火藥打造軍器操演團丁以資防守遣史紹勲赴山東邊界嚴密偵探三月渡運河臨元城之小灘鎮並清河縣二十日進陷曲周人情大震縣幕辭館典史張慶平告病張廷昭請假數

日聞信奔還練局派勇分門把守楊竹坡守北門張夢星守西門李占魁守南門前任外委袁守東門以靖人心四月十三日山東教匪紅旗頭目蘓峴岡率賊數千會合廣平曲周教匪土匪至縣境胡盧營村中逆首王大忠與之合蓋蘓峴岡王大忠皆延安營從士欽弟子也互相勾結逆焰愈張是日進陷廣平人心惶惑東路村民不逞之徒多與賊通訛言四起城中遷徙一空始將四門封閉僅留南門以通出入李占魁舉家入城張廷昭家中召之還不顧也十七日王蔭堂觀察遣兵二百餘赴大名路過肥鄉樹屏欲留與進剿帶兵官不從樹屏卧轍攀轅以留之亦不從人情愈懼十八日探

得胡盧營山東賊已北回本地賊匪無多可破也十九日整齊練勇知會鄉團於次日進剿二十日樹屏光陞竹坡帶城勇三百人出隊張夢星李占魁從張廷昭王琴堂孫好仁梁錦堂會同四閩紳民守城遣董德麟赴元城之王村約會大名聯道憲之兵兩路夾攻鄉團聞信從者甚衆至東賢店整隊少息而董德麟至言道憲之兵婁鳳閣所帶薛思諒等不伏調遣不肯會兵樹屏曰事至此能已乎指揮大衆分兩路取胡盧營樹屏光陞竹坡帶練勇鄉團從南路進作正兵前任外委袁張夢星李占魁帶練勇鄉團從北路進作奇兵距胡盧營不遠賊出馬隊數十匹分路拒捕前鋒甫交抬鎗連

於陣中有胆怯者首先逃遁大衆驚潰勢如山倒樹屏帶親
兵奮勇衝出光陞箭斃二賊練勇挑賊一人落馬賊衆驟退
始得奔回生員呂諧宮陣亡廩生郭慶雲頸受三刀前任外
委袁單騎奔救賊始捨之去張夢星帶團丁十人抬槍二桿
斷後以遏追師槍驚一人落馬始收隊返至油胡寨與大隊
合回城計點練勇監犯傷亡七十三人蓋附近胡盧營諸村
皆與賊通團勇奔至村中皆被捆送獻功每送一人賞錢一
千五百文故死者甚多不盡歿於陣也是役也隊伍不整紀
律不嚴人數太多號令不一所以致敗惜哉兵勢旣挫人情
愈驚守城者皆有潰勢二十三日夜大風陰晦兵刃皆出火

光二十四日婁鳳閣以兵剿胡盧營與賊接仗陣殲王大忠
餘匪潰散二十六日王蔭堂道憲赴任樹屏帶隊隨赴胡盧
營搜拏餘匪合村從逆抗拒官兵不從賊者惟張錦張銓張
鑑弟兄四家耳

七月防守紀實

咸豐十一年

自胡盧營潰散此股雖幸捕滅其餘賊勢猶張圍威縣困
大名府王堂自順德府升大名道統兵解威縣之圍堂卽
赴大名府搜捕逆匪收復小灘鎮勝師奉

旨赴山東征剿駐營威縣收復陷沒諸城逆匪抗拒屢被大
兵擊敗七月初四日教匪程順書及其妹五姑娘統眾至

曲周之安爾寨初五日到縣東之舊店東路村庄俱遭擄掠時秋稼暢茂逃民皆潛伏其中以此得免是日駐營翟固北西落堡亦有賊營附近村庄蹂躪不堪初六日掠屯庄元固諸村夜駐營彭固樹屏集衆守城時光陞以鄉試奉委赴都故未與其事候補把總蔣奉委到縣與樹屏密議曰賊營距城不遠夜劫之必驚而走樹屏以爲然簡精騎十八人與偕往沿路搜獲探信賊一名至彭固大聲疾呼聞入村中賊大驚擾連夜拔營奔回舊店把總蔣率衆追至倉堡營不及而還賊清晨至舊店方欲喫飯而副將黃會同帶兵官陳姓劉姓跟踪追剿至在偵探突與賊遇